

六六

書

陳抄本校過

子史鈎沈

何法盛晉中興書

附徵祥說

逸書考

甘泉黃奭學

中宗元帝

中宗元皇帝諱睿字景文世祖咸寧二年生於洛陽初誕有神光之異一室盡明所籍藁如始刈及長白毫生日角之左眼有青曜惟侍中譙國嵇紹見而異之謂其友曰琅邪王毛骨非常殆非人臣之相惠帝幸臨漳中宗

從駕是時中宗叔父東安王繇爲成都王穎所害懼禍及謀出奔其夜月明禁衛甚嚴不能得去有頃天暴風雨晦冥徼者四散中宗因得脫及遷鎮建業以顧榮爲軍司馬禮接名豪設官分職隱恤士庶百姓歸心焉初性好酒王導深以爲戒乃命左右進觴躬引覆之自是不復飲也愍帝爲胡賊劉粲所沒中宗素服出次舉哀三日於是百僚稱上尊號帝固讓百僚又固請中宗慨然流涕曰吾本

琅邪王諸賢見逼不已乃呼私奴命駕將反

國羣臣不敢復逼乃求依魏晉故事爲晉王

許之愍帝崩於平陽百僚更上尊號是日卽

皇帝位

藝文十三又卷十引中宗元皇帝初誕有神光之異一室盡明所藉藁如始刈文選庾元規讓中書表注引中宗爲鎮東將軍鎮建業又于令升晉紀總論注引中宗元皇帝諱睿字景文嗣爲琅邪王愍帝崩於平陽陟皇帝位書鈔卷二陳補引中宗元皇帝初誕有神光之異引至毛骨非常又卷九引覆觴不飲

晉元帝叔父東安王繇爲成都王穎所害懼禍及謀出奔其夜月明禁衛甚嚴不能得去

有頃天暴風雨晦冥微者散帝乘間得脫至

河陽為津吏所止從者宗典案晉書本紀作宋典後至

以馬鞭拂之謂曰舍長官禁貴人而汝被駐

耶因大笑由是被釋御覽四百九十四書鈔卷三引河陽為津吏

所止

元帝詔曰朕膺天符創基江左文選王簡棲頭隨寺碑文

注

太興元年詔曰亢旱穀貴百姓嗷嗷有資者

貴糴貧羸之民益困漢世穀貴官賤糴使價

可

不超越謂之平準今雖無此可出邸閣米萬

斛使三分減一以平其價令貧困者悉得足

以至秋也御覽三十五

東海王鍼妃哀痛越棺柩被焚乃招魂葬越

於丹徒中宗以為非禮下詔曰夫冢以藏形

廟以安神今世招魂葬者是埋神也其禁之

御覽五百五十五又八百八十六

太興元年改丹陽內史為丹陽尹御覽二百五十一

元帝以佐命功封周玘為烏程公又封王敦

武昌公

御覽二百

太興三年詔曰鹽者國之重利

書鈔一百四十六

鮮卑送璽

書鈔卷十

大旱經久太興四年四月始雨有奏應報賽

宗廟山川中宗詔曰祈廟云報賽非奉尊上

辭也吾意有疑以為舊山川有所報故兩賽

非大事不應告廟臣子無要君之道黷祭禱

賽於禮有違

御覽五百二十九

王廙為母立屋中宗流涕諫之所幸鄭夫人

袍無文繡其恭儉率下如此

御覽四百三十一

二十九引中宗所幸鄭夫人衣無文繡

御覽八百十五引同書鈔

中宗任刑法以韓子賜太子

書鈔一百一

肅宗明帝

明帝諱紹字道畿中宗踐祚即尊號立為皇

太子東宮敬禮賢士昵近明德

初學記卷十

肅祖中宗長子也建武元年中宗為晉王拜

王太子及踐尊號為皇太子冊曰於戲朕承

天緒忝繼祖宗之洪基君臨於萬邦戰戰兢兢

兢兢若涉冰淵未有攸濟自古聖王敷宅四海莫不建立元子本枝百世今稽古授爾於儲宮以陪貳於朕躬欽哉爾其克念乃祖日新厥德何遠非佞何親非賢欽翼師傅以丕崇大化可不慎與爾其敬之

御覽一百四十八

肅祖之在東宮與溫嶠庾亮並布衣之好

御覽

四百七

明帝以平錢鳳功封王導始興公溫嶠建寧

公庾亮永昌公郗鑒南平公

案晉書本紀作侯

卞壺

建興公蘇峻邵陵侯

案晉本紀作公

劉遐泉陵侯

案晉

書本紀應詹觀寧侯

案晉書本紀寧作陽

卞敦益陽侯

趙盾湘南侯

御覽二百

顯宗成帝

顯宗成皇帝諱衍字世根肅祖長子也卽位

後蘇峻及祖約阻兵作逆詔庾亮卞壺距之

戰於青谿壺等敗績壺死之亮奔江州共陶

侃溫嶠率眾討峻臨陣斬之

藝文十三

成帝以平蘇峻功封公者三人侯者八人又

以討郭默功封者三人 御覽四百

成帝詔封魏後曹勵為陳留王 藝文五十一 御覽二百

一誤作元帝今據晉書本紀改

咸和六年會秀才於樂賢堂 書鈔七十九

成帝咸康元年詔曰有司條典虔奉郊祀燔

柴既饗芳氣清穆其赦天下令咸得自新 初學

記二

康帝

康皇帝諱岳字世同成皇帝崩上卽位憂哀

不忍言政一委中書監庾冰 藝文十三

帝諱岳字世同成帝同母弟也成帝崩卽位

年二十二 世說方正篇注

孝宗穆帝

孝宗穆皇帝諱聃康帝子也建元二年康帝

疾篤左光祿大夫領司徒謨尙書令恢等上

疏曰臣聞皇羲玄邈五帝攸往淳風澆散三

王傳嗣欲令國有常居民有定奉關諸盛衰

不易之道也伏惟皇子天挺奇表隆準豐下

岐嶷之姿彰於始年大成之風顯於期月宜
建立儲宮允副民望請下太史擇吉日告宗
廟備禮奉行奏可御覽一百四十八

孝宗穆帝諱聃字彭子康帝崩乃即位文選桓元

子薦譙元彥表注

孝宗穆皇帝諱聃字彭子康帝子也崩時年

十九藝文十三

穆帝以平蜀功封桓温臨賀公御覽二百

穆帝升平二年詔曰伏飛督王饒忽上吾鵠

以辟惡此凶物豈宜妄進於是鞭饒二百使

殿中孫雲監臨於四衢道焚之初學記二十四御覽九

百二十七引作烈宗詔曰大誤案烈宗是孝武帝據晉書本紀在穆帝升平二年三月故從初學記御覽引鳩下有鳥一口云四字殿中下有侍御史三字末作孫雲臨焚於四達之衢又六百四十九引烈宗作皇帝曰作使誤饒作鏡亦誤臨作監說郛五十九引二年下有二月二字鳩下有鳥一口云四字辟作避使殿中下有御史二字孫雲下作焚其鳥於四達之衢

穆帝詔曰實賴英宰淵謀文選王仲實褚淵碑文注

哀帝

寶

哀帝興寧元年詔庭燎樹端門內藝文八十
御覽八

太宗簡文帝

康帝建元元年詔曰太常職典天地兼掌宗廟其為任可謂重矣是以古今選建未嘗不妙簡時望兼收儒雅會稽王叔履尚清虛志道無倦優游諷議朕所諮仰其以王領太常本官如故書鈔五十二
御覽二百二十八
引無康帝二字

太和元年詔曰會稽王體道冲虛理識明允阿衡孝友有保乂之親輔弼哀皇盡翼亮之道朕承洪緒仍聞善誘慎徽五教儀刑具瞻登賢顯親國之典也其為丞相錄尚書事入朝不趨贊拜不名劍履上殿給羽葆鼓吹班

劍六十人御覽一百二十又六百八十一引
太和元年詔曰會稽王其以為丞相給羽葆鼓吹班嗣六十人書鈔五十九引太和元年詔曰會稽王體道冲虛識理明允登顯親賢國之典也其為丞相錄尚書入朝不趨贊拜不名劍履上殿

簡文詔曰會稽王英秀玄虛神棲事外文選
陶淵

明始作鎮軍參軍經曲阿案晉書本
紀是皇太后詔會稽王昱語當作詔簡文曰

太宗簡文帝諱昱字道成中宗少子也母曰鄭夫人永昌二年封琅邪王咸和元年鄭夫人薨上時年七歲哀號守誠乞得服重朝議哀之故徙封會稽王康獻皇后臨朝建位撫軍大將軍錄尚書六條事二年驃騎將軍何充薨皇太后詔上內總萬機海西公卽位以琅邪王封絕復徙上爲琅邪王封王子昌平爲會稽王固讓不受太和元年十月詔以爲丞相尚書入朝不趨讚拜不名劔履上殿給

己

羽葆鼓吹班劔六十人固讓不受海西公廢於是大司馬溫及百官進太極前殿具乘輿法駕奉迎於朝堂變服著平巾幘單衣東向拜受璽流涕卽位改太和六年爲咸安元年乙卯廢太宰武陵王爲庶人二年七月上不豫已未立皇太子昌明爲皇太子封皇子道子爲琅邪王領會稽國是日帝崩於東堂在位一年時年五十二

御覽九十九 藝文十

三引太宗簡文帝諱昱字道方中宗少子也案晉書本紀簡文帝字道萬 書鈔一百三十一 陳補引海西公廢

昇

備法盛晉中興書
在法盛晉中興書

大司馬桓温率百官具乘輿法駕奉迎簡文於會稽邸於朝堂變服著平巾幘單衣東向拜受璽綬

簡文詔曰祿不代耕非經通之制也文選任彦升上

蕭太傅固辭奪禮啟注

孝武帝

烈宗孝武皇帝諱昌明中宗第三子也藝文十三

泰元二年興滅繼絕故陳騫後浩之為高平

公裴秀後球為鉅鹿公王沉後朴之為博陵

公荀勗後軌為濟北侯何曾後闡為朗陵侯

戒

羊祜後法興為鉅平侯藝文五十一

武帝時武上脫甘露降公卿奏賀詔曰三代

盛隆猶自戒勿休况自頃懸象告變盜賊充

斥百僚司牧不能存職匪懈使道有寄雖麟

鳳未至慶有餘矣此道未弘雖四靈在郊吾

猶懼然何甘露之足賀其停之御覽五百四十二

任彥昇宣德皇后令引孝武詔曰誠存匪懈文選

孝武詔曰躬儉以弘下濟之惠文選顏延年

侍遊蒜山作注

御覽卷一百一十五
御覽卷一百一十五
御覽卷一百一十五

安帝

安皇帝烈宗長子也冊為皇太子曰岐嶷表於載誕克廣同乎大成是用命爾以登儲貳

初學記卷十

義熙元年禁絹扇及擣蒲御覽七百二事類賦十四引元年

作中

安帝以興復功封劉裕等二十三人裕倡謀封豫章公萬戶劉毅南平公五千戶何無忌安成公劉道規華容公御覽二百

昇

恭帝

詔曰大司馬地隆任重親賢莫貳文選任彥升齊竟陵

文宣王行狀注原文詔上有恭帝二字案晉書本紀安帝時恭帝拜大司馬領司徒此詔在義熙十二年是安帝詔琅邪王德文大司馬即指恭帝非恭帝詔也

謝夫人

謝夫人名玖家本貧賤又以屠羊為業玖清

惠貞正有淑姿選入後宮為才人御覽一百四十五

元夏侯太妃

中宗母王太妃夏侯氏字光姬一字銅環太

御覽一百五十一

妃為恭王妃生中宗王薨中宗嗣立稱王大
妃永嘉元年薨還葬琅邪 御覽一百五十一

元敬虞皇后

元敬皇后虞氏字孟母濟陽外黃人也祖壽
撫軍大將軍掾父豫太傅參軍中宗之為琅
邪王納后為妃豫妻王氏為邢陽縣君從母
散倚常侍新野王罕妻為平陽縣君 御覽二
百二又

一百五十一引無祖壽至參軍十四字納后
為妃下無豫妻王氏至平陽縣君二十五字
有永嘉六年薨五字 案邢陽晉書列傳作
邳陽

荀豫章君

肅宗太妃豫章恭惠君荀氏初以微入宮生
肅祖中宗以母賤命虞妃母養肅宗而出嫁
荀為馬氏妻太寧元年馬氏無疾而卒肅宗
迎母還宮養稱建安君追贈豫章君諡曰恭
惠 御覽一百二 文選齊敬白王后之哀
祖太妃荀氏

明穆庾皇后

明穆皇后庾氏諱文君左將軍琛之第三女
也后少以珪璋特異令儀淑美故中宗為肅

令

宗納焉初為世子如仁和有禮深見敬重后
生顯宗成皇帝顯宗即位尊后曰皇太后羣
臣奏天子幼冲宜依漢和熹皇后故事后辭
讓數四不得已遂臨朝攝萬機蘇峻作逆王
師敗績后以憂逼崩時年三十二御覽一百一十八
書鈔二十三引天子幼冲攝萬機臨朝稱制
又引臨朝攝政以寧天下又二十四引仁和
有禮又引珪璋特異今儀淑美

永宣縣君

御覽二百二

策明穆皇后曰正位閨房以著協德之義文選
謝玄暉齊敬皇后哀策文注

成恭杜皇后

成恭皇后杜氏陵陽京兆人也母裴氏為廣
德縣高安鄉君賜錢百萬布五百疋御覽二百二

成帝贈母后裴氏為安樂鄉君書鈔四十八
案晉書列傳

作廣德縣君

康獻褚皇后

何法盛晉中興書

康獻皇后褚氏字蘇子案晉書列傳作蒜子太傅裒之

女也后聰明有器識以名家女入為琅邪王

妃生孝宗穆皇帝孝宗即位尊后曰皇太后

泰元元年太后詔曰皇帝婚冠禮備遐邇宅

心宜當陽親覽緝熙惟始今歸政事率由舊

典於是復稱崇德太后九年崩於顯陽殿御覽

一百三十八又一百五十一引康獻皇后褚氏字蘇子太傅裒之女也后以名家女為琅邪王妃生孝穆皇帝

康獻皇后褚氏太傅裒之女封母謝氏為尋

陽縣君御覽二百二

穆章何皇后

穆章皇后何氏字法倪案晉書列傳字作諱司空充之

女追贈父充光祿大夫封晉興侯母孔氏長

樂鄉君御覽二百二案晉書列傳何皇后父準以名家膺選檢晉書外戚傳何

準字幼道穆章皇后父也兄充為驃騎將軍勸其令仕年四十七卒升平元年追贈金紫

光祿大夫封晉興縣侯則此條所云司空充之女云云有誤書鈔二十三引名家應運

當是名家膺選

哀靖王皇后

哀靖皇后王氏字穆之案晉書列傳字作諱司徒左長

史濛之女也初為琅邪王妃哀帝即位拜為

皇后追贈父濛金紫光祿大夫封晉安縣侯

母爰氏為安國鄉君御覽二百二世說方正篇注引王濛女諱穆

之為哀帝皇后

廢帝庾皇后

海西皇后庾氏字道鄰案晉書列傳字作諱司空冰女

也初為海西王妃海西即位拜為皇后泰和

元年崩葬敬平陵帝廢追贈海西公夫人無

子御覽一百五十一

簡文宣鄭太后

簡文宣皇后當作皇太后鄭氏諱阿春滎陽人先

適田氏生一男夫亡后依於舅吳氏中宗為

丞相敬后先崩將納吳氏女為夫人后及吳

氏女並遊後園有見之者言於中宗曰鄭氏

女雖嫠賢於吳氏遠矣遂以德色納為夫人

甚有寵后雖貴幸而恒有憂色中宗問其故

對曰妾有妹中者適長沙王褒餘二妹未出

何法盛晉中興書
何法盛晉中興書

恐姊既為人妾無復求者中宗從容謂劉隗
曰鄭氏有二妹卿可求佳對使不失舊隗舉
其從子傭娶第三者以小者適漢中李氏皆
得舊門帝稱尊號后雖為夫人詔太子及東
海武陵王皆以母事之帝崩后稱建平園夫
人咸和九年薨御覽一百三十八又一百四
十四引宣皇后下有鄭氏二
字諱作字田氏上有渤海二字依舅下有濮
陽二字蔭下有居字引至甚有寵
鄭太后字阿春滎陽人少孤先嫁田氏夫亡
依舅吳氏中宗敬后虞氏先崩將納吳氏后

與吳氏女遊後園有言之於中宗者納為夫
人甚寵生簡文帝即位尊之曰文宣太后世
說
方正篇注

簡文順王皇后

簡文皇后王氏字蘭姬案晉書列傳字作
諱蘭作簡疑誤后
以冠族太宗納焉初為會稽王妃生子道生
為世子並失太宗意后及道生俱被幽廢以
憂薨烈宗踐祚追尊曰順皇后御覽一百五
十一
簡文順皇后王氏字蘭姬驃騎將軍述之再

從妹贈前夫人成氏東豐縣君後夫人成氏
東興君御覽二百二案晉書列傳王皇后父

孝武文李太后

孝武太后李氏以微賤入為會稽王宮人夢

兩龍抗膝入懷太祖異而召之生烈宗藝文九十

入案入懷上脫日月二字書鈔二十三引

夢龍枕膝案藝文抗膝當作枕膝

孝武定王皇后

孝武定皇后王氏字法惠案晉書列傳寧康

作諱法慧

三年原作五年從晉書改中將軍桓沖侍中臣康二字誤

奏晉寧太守王蘊女天性柔順惠心淵塞儀

度既同四業允備且盛德之兆美善先積參

議可以配德乾元恭承宗廟貞靜六宮母儀

天下故烈宗納焉后性嗜酒驕妒帝深患之

乃召蘊於東堂具說后過狀令加訓誠蘊色

冠謝焉后於是少自改飾太元五年崩御覽一百

三十八世說方正篇注引王蘊女諱法惠為孝武皇后書鈔二十四引惠心淵塞

安德陳太后

免

安德太后陳氏松滋人也諱歸女父廣以倡
進仕至平昌太守后以美色能歌彈入宮初
爲淑媛生安恭二帝太元十五年薨贈夫人
追崇曰皇太后

御覽一百三十八

齊王攸

齊王攸爲司空行太子太傅事

書鈔六十五

琅邪王裒

元皇以明帝及琅邪王裒並非敬后所生而
謂裒有成人之度勝於明帝因從容謂王導

曰立子以德不以年今二子孰賢導曰世子
宣城俱有爽明之德莫能優劣如此故當以
年於是更封裒爲琅邪王

世說方正篇注

東海王沖

東海王沖爲長水校尉年十一高選綱佐以
劉耽爲司馬顧和爲主簿

書鈔六十一

武陵威王晞

武陵威王晞爲桓温所收忠敬王少子也被
廢後新安王遵初封新寧王年十二受拜流

涕哀感左將軍桓伊嘗造遵遵怒門人曰何
通桓氏門人曰桓伊與桓温疏宗相見無嫌
遵曰我聞人姓木邊便欲殺之况諸桓乎由
是少稱聰察及長輒凡退無復名望御覽一
百五十
一案遵是晞少子 書鈔七十引武陵王晞
受拜流涕誤

南頓王宗

南頓王宗字延祖拜左衛將軍為肅祖所昵
委以禁旅御覽二百三十七

會稽王道子

烈宗世會稽王輔政於府內園中穿池築山
山池之間處處有奴婢肆酷賣肉於其中道
子將見幸乘船至酒肆輒攜入肆買酒肉狀
如市廛以為笑樂御覽八百二十八引中興
徵祥記
會稽文孝王以錄尚書六條開府領司徒又
領揚州錄尚書事公卿奏進位丞相揚州牧
黃鉞羽葆書鈔五十九 藝文六十八引會
稽王道子進位丞相牧揚州假黃
鉞
武陵王令曰丞相墳翳然飄薄非所文選傳
季友為

宋公修楚元王墓教注案晉書本傳道子死
後武陵王遵承旨下令云云

譙王承

譙閔王承字敬才爲兩州刺史帝謂承曰湘
州南楚險固在上流之要控三州之會是用
武之國也今以叔父居之

書鈔七十二

譙王承鎮湘州至武昌釋軍備見王敦敦因
宴集謂承曰大王雅素佳士非將帥才也承
曰公未盡耳安知鉛刀不能一割承以敦欲
測其情故發此言敦果謂錢鳳曰彼不知懼

而學壯語此之不武何能爲聽承之鎮

御覽一百五十一

譙王承爲湘州刺史王敦遣參軍桓羆說承
以劉隗專寵令討之請承爲軍司承嘆曰吾
其死矣地荒民尠勢孤援絕赴君難忠也死
王事義也死忠與義亦復何求便唱義聚衆
府長史長沙人虞悝慷慨有志節共盟誓囚
桓羆馳檄湘州於是一州之內並皆同赴

御覽

四百十七

譙王無忌

褚裒為江州無忌於坐拔刀斫耆之裒與桓景共免之御史奏無忌欲專殺害詔以贖論世說仇隙篇注

譙王恬

晉宗室譙王恬為御史中丞值海西公廢太宗即位未解嚴大司馬桓温屯中堂夜吹警角恬奏劾温大不敬請理罪明日温見奏事嘆曰此兒乃敢彈我真可畏也書鈔六十二又一百二十

陳補引大司馬桓温屯軍中堂夜吹警角御史中丞司馬恬奏劾大不敬請治罪温見奏嘆曰此兒真可畏也御覽二百二十六引譙王恬字元逾為御史中丞下同書鈔六十二又三百三十八引同書鈔一百二十此兒下有乃敢彈我四字初學記十二引王恬上脫譙字同御覽二百二十六說郛五十九引譙王恬字元愉為御史中丞至末下有恬忠正有器局在朝憚之十字

臨海公主

臨海公主惠帝第四女羊皇后所生初封清河公主未出適值永嘉亂傳賣長城民錢温温以送女女遇主甚酷主自告吳興太守周

御覽卷一百五十二

禮以聞於是殺温及女適譙國曹統藝文十

亂無第四二字 初學記卷十引至值永嘉六御

南康宣公主

南康宣公主與男明帝長女庾后所生初封

遂安縣主適桓温 御覽一百五十二

新安愍公主

新安愍公主道福簡文第三女徐淑媛所生

適桓濟重適王獻之 御覽一百五十二

王祥

初魏徐州刺史任城呂虔有佩刀工相之以

為必三公可服此刀虔謂別駕王祥曰苟非

其人刀或為害卿有公輔之量故以相與祥

始辭之固強乃受祥為司空祥死之日以刀

授弟覽曰吾兒皆凡汝後必與足稱此刀故

以相與覽後奕世賢興於江東 御覽三百四

六十三引無祥為司空四字引至足稱此刀

故以相與又四百四十三引同二百六十三

無任城二字 文選任彥升王文憲集序注

昇

初學記二十三引至固強乃受
十引至卿有公輔之量故以相與

藝文六

王覽

王祥弟覽生導導生洽洽生珣珣生曇首

文選

任彥升王文憲集序注又為蕭揚州作薦士表注

羊祜

羊祜字叔子遷中領軍悉統宿衛入直殿中

事兼內外

御覽二百四十

杜預

杜預在內七年損益不可勝數朝野稱之號

四

曰杜武庫言無所不有

御覽四百九十五

衛瓘

衛玠兄瓘時為散騎侍郎內侍懷帝玠以天下將亂移家南行母曰我不能捨仲賢而去也玠啟喻深至為門戶大計母涕泣從之臨別玠謂瓘曰在三之義人之所重今可謂致身命之日兄其勉之乃持將老母轉致豫章而洛城失守瓘沒焉

御覽四百八十九

衛玠

昇

衛玠字叔寶常以人有不及可以情恕非意相干可以理遣故終身不見其喜愠御覽四百三文選任彥升齊竟陵文宣王行狀注引常以人有不及至理遣又引衛玠終身不見其愠喜此句又見王仲寶褚淵碑文注

荀勗

荀勗字公曾徙中書監為尚書令人賀之乃發恚云奪我鳳皇池卿諸人何賀我邪文選任彥升王憲集序注又謝玄暉直中書省詩注引無字公會三字又范彥龍古意贈王中書詩注同

昇

荀闡

荀闡字道明有清操京師為之語曰洛中英英荀道明大司馬齊王罔辟以為掾御覽二百四十九

程據

程據為太醫令武帝初受魏禪改元為太始而據貢雉頭裘帝以奇伎異服典禮所禁焚之於殿前據以醫術承恩出入禁闈因為賈后合巴豆杏子丸害愍懷太子遂就戮焉說郛

五十九

備注盛晉中興書

賈謐

魯公賈謐參管朝政京洛人士無不傾心渤海石崇之徒年皆長謐並以文才降節事謐共相朋昵號曰二十四友

御覽四百七

劉寔

劉寔字子真平原高唐人少貧共糠飯繩索作衣賣手繩口誦

御覽四百八十四

劉寔長不滿七尺精學不倦雖居官職至於

皓首手不釋卷

御覽六百十一

山濤

山濤飲酒至八斗方醉帝欲試之乃以八斗密益其酒濤至本量而止

書鈔一百四十八

郭舒

郭舒大將軍王敦以為從事中郎會敦討劉隗切諫敦大怒曰人中間言卿癡故炙卿眉頭今疾復發耶勿復語也舒曰明公聽舒一言舒聞古之狂也直周昌汲黯朱雲皆不癡

也昔堯立誹謗之木舜懸敢諫之鼓公爲勝
堯舜耶而乃折舒使不得言敦默然御覽二百三十八

鄭默

鄭默字思元轉光祿勳寬冲博受不以聲色
矜人雖卒徒廝養之人皆遇以恩御覽二百二十九

盧諶

劉粲悉害諶父母文選劉越石荅盧諶詩注引何法盛晉錄

傅玄

傅玄盛書有青縑裘布裘絹裘書鈔一百四御覽七百
二引盛書阜縑囊書函中皆有香囊二案此條無所屬疑亦傅玄事故附於此

阮孚

阮孚字遙集咸子也避亂渡江中宗以爲安
東參軍蓬髮飲酒不以王務嬰心御覽二百四十九

孚風韻疎誕少有門風初爲安東參軍蓬髮
飲酒不以王務嬰心世說賞譽篇注

阮放

阮放與從弟孚齊名在銓管之任甚有稱譽

與

性清儉終不治產為吏部郎不免飢乏王導

庾亮以其名士供給衣食放由是得立藝文四十四

八御覽二百十六引齊名下有為吏部郎

四字無在字清儉作清約終不治產作不理

產業下無為吏部郎四字書鈔六十引阮

放為吏部郎在銓管之任以下同御覽稱譽

作稱績得立作得仕

阮裕

裕甚精論難世說文學篇注

阮裕少有至行王敦聞其名召為主簿知敦

有不臣之心縱酒昏酣不綜其事世說賞譽篇注

裕以人不須廣學正應以理讓為先故終日

頽然無所修綜而物自宗之世說品藻篇注又方正篇注引

裕終日頽然無所錯綜而人自宗之

謝鯤

謝鯤字幼輿弱冠知名值中朝大亂長沙王

又輔政親媚小人忌害君子時疾鯤名譖之

又遂執欲鞭之鯤解衣服鎖會無動容又異

而釋之又無喜色御覽六百四十九

王澄

王澄嘗之荊州送者傾邑所別處樹上有鵲
巢澄便脫衣著犢鼻上樹探鵲驚而弄之旁
若無人 御覽四百八十七

胡母輔之

胡母輔之嘗過河南門下飲酒門下騶王子
博箕坐其傍輔之叱之使取火子博曰我卒
也不乏吾事薦之河南尹樂廣召見甚悅擢
爲功曹 御覽二百六十四

胡母輔之子謙之醉與父語常呼父字輔之

亦不怪也嘗規輔之厲聲曰彥國年老不得
爲爾將令我尻背東壁輔之遽呼入與共飲
酒其爲放達如此 御覽三百七十六

胡母輔之等共飲酒散髮裸裎閉戶不接外
客 書鈔一百四十八

畢卓

畢卓字茂世新蔡人少放達泰興末爲吏部
郎常飲酒廢職比舍郎釀熟卓因醉夜至其
甕間取酒飲之掌酒者不察執而縛之郎往

側興 百

何海盛音中興書

視乃畢吏部也遽釋其縛卓遂引主人宴於

甕側取醉而去卓嘗謂人曰右手持酒杯左

手持蟹螯拍浮酒池中便足了一生藝文四十八

御覽二百十六又四百九十七引畢卓字茂

世為吏部郎比舍郎釀熟卓因醉夜至其甕

間取酒飲之掌酒者縛卓郎往視之釋縛宴

於甕側取醉而去事類賦十七引太興末

畢卓為吏部侍郎比舍郎釀酒熟卓因醉夜

至其甕側取酒飲之掌酒者謂是盜執縛之

郎往視之乃畢吏部也卓遂引主人燕於甕

側取醉而去藝文二十六引畢卓為吏部

郎常謂人曰右手持酒杯至末又七十一引

畢卓嘗謂人曰右手持酒杯云云初學記

二十六引畢卓嘗謂人曰云云

畢卓字茂世新蔡人少傲達為胡母輔之所

知太興末為吏部郎嘗飲酒廢職比舍郎釀

酒熟卓因醉夜至其甕間取飲之主者謂是

盜執而縛之知為吏部也知上有釋之卓遂

引主人燕甕側取醉而去温嶠素知愛卓請

為南平長史卒世說任誕篇注

王尼

胡母輔之字彥國少高名有王尼者出寒微

輔之庾顓王澄等共為美談尼以門役送護

軍府輔之等乃齎羊酒詣門吏以聞護軍曰
諸名士以羊酒來當有以既入先過尼尼已
給府養馬輔之等坐殿下與尼炙羊飲酒而
去竟不見護軍大驚乃與尼長假御覽四百七
王尼洛陽傾覆避亂江夏王澄時為荊州刺
史見尼欣然厚供給之尼常嘆滄海橫流無
安處早喪婦止有一息不用居宅惟畜露車
牛一乘每行輒使兒御詣人暮則宿車上無
有定處少時澄卒荆土飢荒尼求食不得乃

殺車牛煮食之遂父子餓死

御覽七百七寸五又四百八十

六引王尼下有字季孫三字無常嘆滄海橫流無安處九字乃殺車牛煮食之作殺牛壞車煮之

羊曼

羊曼字祖延頽縱宏狂飲酒誕飾與温嶠庾
亮桓同志友善並為中興名臣時州里稱
陳留阮放為宏伯高平郟鑿為方伯泰山胡
母輔之為達伯濟陰卞壺為裁伯陳留蔡謨
為朗伯陳留阮孚為誕伯高平劉綏為秀伯

藥

案晉書而曼為黠伯案晉書作黠伯凡八伯蓋擬古之八雋御覽四百七

羊聃

兖州既有八伯之號其後更置四伯大鴻臚陳留江淵以能食為穀伯豫章太守史疇以太肥為笨伯散騎侍郎高平張嶷以狡妄為猾伯廬陵太守羊聃以狠戾為瓊伯蓋擬古之四凶御覽三百七十八原作羊曼誤案晉書廬陵太守是羊聃聃是曼弟此條所說即在羊聃傳下故據以改正

光逸

光逸字孟祖為博昌小吏令使他往冒雨還令不在逸解衣入寢被衾中令還詰之逸曰衣單冒雨如不易衣必致凍死何惜一被而殺人也令奇之而不問書鈔一百三十四

胡母崇

胡母崇為永康令多受貨賂政治苛暴詔都尉頓鞭一百除名為民御覽六百五十二

庾純

庾純清粹忠正才經治亂其以純為河南尹
書鈔七十六

郗詵

案晉書列傳作郗詵

郗詵為尚書左丞推吏部尚書崔洪洪曰我
舉詵丞而還奏我此謂挽弩自射詵曰趙宣
子任韓厥為司馬而厥以軍法戮宣子僕崔
洪為國舉才我我才見舉唯官是視各明至
公何故其言乃至於此洪聞言而悅服之
書鈔
六十

華譚

華譚字令思生未朞而父歿母年十八執節
鞠養譚弱冠知名揚州刺史周浚禮辟署從
事史愛其才器以為賓友
御覽二百六十五

華譚字令思少以言語清辨知名除太子舍
人
書鈔六十六

華譚為秘書監時晉陵朱鳳吳郡吳震等以
單族二人並有史才白首衡門後譚知之薦
二人擢補著作佐郎並皆稱職
初學記十二
書鈔五十

七引無末四字 御覽二百三十四引單族
作單寒無後知之三字

華譚所友人袁甫者字公胄歷陽人少能言
議與譚齊名友善太安中入洛譚與甫書曰
誠以枯澤非應龍之淵棘林非鸞鳳之窟昔
食其自匿衡門非高祖不長揖孔明躬稼南
陽非劉氏不馳驅望雲霄而偶翮見鴻漸之
輕羽瞻長塗而高鳴知騏驥之迅足

御覽四
百七

袁甫

華譚所友袁甫者字公胄歷陽人少能言議

與譚齊名友善太安中入洛詣中領軍何勗
自言能治劇縣勗曰君子治應多宜何以唯
欲宰民何不為一臺職乎甫曰人各有所能
否譬由錦繒中之好而不可以為帽稻食中
之好而不可以為齋是以孔子曰及其使人
也器之苟非大才何能悉備久之除松滋令
御覽二百六十六

孫統

孫統字承公太原人善屬文時人謂其有祖

世說品藻篇注
世說任誕篇注

楚風仕至餘姚令

世說品藻篇注

承公少誕任不羈家於會稽性好山水及求

鄞縣遺心細務縱意遊肆名阜勝川靡不歷

覽

世說任誕篇注

孫綽

綽字公興太原中都人少以文稱歷太學博

士大著作散騎常侍

世說言語篇注

孫綽為散騎常侍領大著作轉廷尉著作如

故於時才筆之士綽為其冠故温王郗庾之

薨必須綽銘而後刊石

初學記十二 文選 孫興公遊天台賦

注引孫綽字興公太原人也為章安令稍遷散騎常侍領著作郎尋轉廷尉卒於時才筆之士綽為其冠 御覽二百三十四引孫綽為散騎常侍領大著作時才筆之士綽為其冠

周訪

中宗之為安東取周訪為參軍在散輩中未

之識也府進鎮東訪隨例為參軍時府參軍

譙國周訪有罪當死誤收訪訪自列無罪而

吏不察訪窮蹙乃身自執使仗奮擊收捕數

十人皆被創披散訪得逸走歸府中宗聞大驚怒不問格鬪之罪

御覽二百四十九

周訪字士達尋陽人遷武昌太守時杜弼作亂豫章訪進討別帥杜弘張彥等邀訪訪為流矢所中折齒口中流血壯氣益勇先登奮擊臨陣擒彥殺數百人

御覽四百三十五

孟觀

觀從十亭北出何憚領二萬人以繼之雍圍

解文選潘安仁關中詩注

劉琨

祖逖與劉琨中夜而坐相謂曰若四海鼎沸豪傑並起吾與足下相避於中原後琨與親舊書曰吾枕戈待旦志梟逆虜常恐祖生先人著鞭耳

御覽三百五十九

石勒攻樂平劉琨自代飛狐口奔安次

文選盧子

諒答魏子悌詩注 寰宇記河東道蔚州飛狐縣引建興中劉琨自代出飛狐口奔於安次

劉琨連名力勸進中宗嘉之

文選劉越石勸進表注

御覽卷四百六十二

祖逖

建興初祖逖進說曰晉室之亂非上無道而
逃民怨叛也由藩王爭權自相誅滅遂使戎
狄乘隙毒流中原今天下既被殘酷遺黎思
本人有奮擊之心但悉無所憑依大王誠能
命將使若逖等執戈前驅上為國家雪恥下
為百姓請命則郡國豪傑必因風嚮起沉溺
之民欣於來蘇也灑掃中原清復寰宇此千
載之一時願大王圖之中宗於是始欲疆理

神州 御覽四百六十二

中宗以祖逖為前鋒都督徑北渡江中流誓
曰祖逖不清中原而復濟者有如此江
藝文三十

祖納

祖納有操行能清言文義可觀遷東宮舍人
書鈔六十六

祖納字士言少持操行能言名理遷右光祿
大夫 御覽二百四十三

郭默

郭默為右軍將軍默既遠人樂為邊將不願
內轉謂劉脢曰我能衛胡而不用更用虛名
者且右軍主禁兵不妄出有急方更配給兵
將無素是謂棄之安得不亂

御覽二百三十八

劉脢

劉脢謂邵續曰莫若亢大順以激義士之心
奉中正以厲軍民之志

文選任彥升百辟勸
進今上賤注

昇

王導

中宗為安東將軍鎮下邳請王導為司馬軍
國之事無不諮訪中宗遷鎮建康導為司馬
委以政事於時朝野傾心號曰仲父導忠於
事上達於從政以百六之弊寄寓江左為治
之本務在清靜

御覽二百四十八

中宗渡江王導羣從同心翼戴時人語曰王
與馬共天下

御覽四百九十五

王導謂從兄敦曰王仁德未著而名位猶輕
兄威名日已振宜有以共相匡舉會三月三

日中宗出襖乘肩輦敦導並騎從紀瞻使人
規之既聞敦導騎從乃大驚自出拜於道左
中宗從容謂導曰卿吾之蕭何也

藝文卷四
御覽三

十

說郛五十九猶輕作憂輕兄下無威字

元帝登尊號百官陪位詔王導升御坐固辭

然後止

世說寵禮篇注

中宗即尊號時賜諡多由封爵不考德行王
導上疏曰臣聞大行受大名小行受小名名
與實稱不誣而已近代以來惟爵得諡武官

牙門有爵必諡卿校常伯無爵悉不賜諡甚
失制諡之本今中興肇建勲德兼被宜深體
前訓使行以諡彰豈可限以有爵中宗納焉
自後公卿無爵而諡自導始也

御覽五百六
十二原王導

誤作王遵 書鈔九十四陳補引 藝文四
十引無上疏二字無大行至而已十八字無
豈可限以有爵六字

王導為驃騎將軍揚州

下脫刺
史二字

領中書監錄

尚書事時中丞熊遠尚書周顛等為有司所
奏導上疏請免錄中宗令曰卿恒總萬機何

解錄除節而已

書鈔五十九原導字訛作遵案晉書王導列傳有後坐事

除節語卽此事

元帝性嗜酒王導深以爲誠帝常賜導酒導

舉賜觴躬引覆之書鈔一百四十八案此條疑誤

王敦上疏曰導動靜顧問起予聖懷

文選沈休文齊

故安陸昭王碑文注

導從兄敦舉兵討劉隗導率子弟二十餘人

旦旦到公車泥首謝罪

世說言語篇注

於是風塵自消內外輯穆

世說雅量篇注

明帝后庾氏爲皇太后九月癸丑皇太后臨

朝稱制司徒王導錄尙書事

藝文四十八御覽二百十引

癸丑作癸卯

王導以驃騎將軍儀同三司領太子太傅

書鈔

六十五

顯宗嘗使太常丞張放歸胙於王導詔無下

拜導不敢當辭以疾初顯宗幼冲見王導輒

拜書鈔八十五御覽五百四十二

初顯宗幼冲見王導恒拜又帝與導手詔則

不注盛言口與書原字化作尊

曰敬白中書作詔則曰敬問於是以為永制
書鈔一百三 御覽五百九十三

王導薨詔給九旒輜輶車黃屋左纛前後羽
葆鼓吹挽歌兩部虎賁班劍百人中興名臣
莫與為比也 御覽五百五十四

王悅

王悅字長豫丞相導長子也仕至中書侍郎
世說德行篇注

王悅弱冠有高名每侍講東宮以清和著稱

除散騎侍郎 書鈔五十八

王恬

王恬字敬豫與濟陽江彪俱善奕為中興第
一 御覽七百五十三 彪誤作霖 說郭五十
九引奕下有棋字

王洽

王洽字敬和王導諸子中最知名與潁川荀
羨俱有美稱弱冠除散騎中書郎 書鈔五十
八 世說
賞譽篇注引洽於諸子中最知名至美稱

王洽字敬和丞相第三子累遷吳郡內史為

士民所懷拜中領軍加中書令不拜年三十

六而卒 世說賞譽篇注

顯宗加王洽中書令帝曰敬和清裁貴重昔

為中書郎吾時尙小數呼見意甚親之今以

為中書令欲共講文章之事也 藝文四十八案晉書列傳

在穆帝時檢穆帝二歲卽位歷永和十二年又歷升平五年年不過十九歲不得作昔吾

時尙小語當以顯宗為是 御覽二百二十引王洽字敬和顯宗加王洽為中書令以下

同藝文清裁下脫貴重二字 初學記十一引王洽字敬和明帝曰敬和清才貴令至其講文章案作明帝誤

王劭

劭美姿容持儀操 世說容止篇注

王珣

王珣字元琳弱冠與謝玄俱辟大司馬桓公

掾温語人曰謝掾年三十必擁旄仗節王掾

當作黑頭公皆未易才也 御覽四百四十三又二百四十九引

無字元琳三字謝玄上有陳郡二字大司馬桓下脫公掾二字

王珣為桓温主簿三軍文武數萬人悉識其

面 御覽三百六十四

珣兄弟皆壻謝氏以猜嫌離婚太傅既與珣

絕婚又離妻由是二族遂成仇隙世說傷逝篇注

王珣拜尚書左僕射領吏部時烈宗雅好典

籍深欽愛之與殷仲堪徐邈並以才學文章

為上所昵桓玄答道子牋云王珣明悟疎徹

風流之美雖逼於同異才用不盡然君子在

朝所益自多也御覽二百十一書鈔五十九引至為上所昵烈宗作帝

與殷仲堪徐邈作與徐邈邈郗恢殷仲堪等

王珉

王珉遷中書令詔曰新除侍中王珉才學廣

瞻理識清通宜處機近以參時務其以珉為

長兼中書令書鈔五十七

王謚

謚字雅遠丞相導孫車騎劭子有才器襲爵

武剛侯位至司徒世說文藻篇注

劉弘

鎮南將軍劉弘以陶侃為長史謂侃曰我昔

為羊太傅參軍羊公見語曰君後當居身處

何法盛晉中興書
我今相察亦復然也

御覽二百四十九

陶侃

陶侃少漁雷澤夢生八翼飛至天門而不入

相者師珪曰君位當上公爲八州都督

御覽七百

二十九

陶侃爲郡主簿太守張夔妻病遠迎醫天正

寒雪諸綱紀皆難之侃獨曰資於事父以事

君小君猶母也安有父母之病而不盡心乎

乃請行衆咸服其義

書鈔七十三陳補

陶侃爲郡主簿時州遣從事案太守張夔侃

謂從事曰可以禮之無吹毛求疵也從事從

之書鈔七十三陳補

建興九年冬左將軍王敦遣振威將軍周訪

廣武將軍趙誘受陶侃節度征蜀賊杜弼大

戰蜀賊以桔槔打沒侃三十餘艘人皆沒水

藝文七十一

御覽七百七十

侃嘗檢校佐史若得樗蒲博奕之具投之曰

樗蒲老子入胡所作外國戲耳圍棋堯舜以

教愚子博奕紂所造諸君國器何以爲此若

王事之暇患邑邑者文士何不讀書武士何

不射弓談者無以易也世說政事篇注 藝文七十引陶侃爲荆

州見佐史博奕戲具投之於江曰圍棋堯舜以教愚子博殿所造諸君並國器何以此爲

御覽七百五十三引同藝文此爲作爲此一

陶侃領江州刺史鎮武昌課種柳都尉夏施

夜盜拔郡西門柳爲已所種後因駐車施門

問此是郡西門柳何以盜種施怖謝罪時人

憚之寰宇記江南西道鄂州武昌縣

己

昇

陶侃明識過人武昌道種柳人有竊之植於

其家侃見而識之問何以盜官柳種於時以

爲神藝文八十九 御覽四百三十二引道

作何以盜官所植乎又九百五十六引道種

柳作道上通種楊柳官柳種作官所種

陶侃曰公經德秉哲謀猷弘遠文選任彥升

王行狀注案此語似謂王導俟檢

温嶠

温嶠字太真文選盧子諒贈崔温注引何法

嶠有儁朗之目而不拘細行世說任誕篇注

温嶠拜太子中庶子嶠在東宮特見嘉寵僚屬莫與爲比嶠與阮放等共勸太子遊談老莊不教以經史太子甚愛之數規諫諷議御覽二百四十五

温嶠拜中庶子在東宮甚見嘉寵莫與爲比數規諫諷議又獻侍臣箴甚有補益太子時起西池樓觀頗多勞費嶠口疏切諫太子納

焉藝文四十九初學記卷十引温嶠拜太子中庶子數規諫諷議又獻侍臣箴甚有補益

王敦欲謗帝以不孝於衆坐明帝罪云温太眞在東宮久最所知悉因厲聲問嶠謂懼威必與己同嶠正色對曰鈞深致遠小人無以測君子當今諒闇之際有至性可稱敦默然不悅然憚其居正不敢害之御覽四百十八

温嶠知王敦不可復諫乃潛謀滅之先夙夜綜其府事而附其欲錢鳳敦所信也嶠謂人曰錢世儀精神滿腹嶠素有知人之稱鳳聞而悅之深結好於嶠會丹陽尹缺嶠說敦曰

京尹輦轂喉舌宜得文武兼之公宜自選其才敦然之問嶠誰可作者嶠曰愚謂錢鳳可用然裁之在公敦思惟良久曰無復勝君嶠卽苦辭敦不從表補丹陽尹猶懼錢鳳爲之奸因敦置酒與嶠別嶠曰違離宇下情戀不已願自起行酒以表歧路之心行酒至鳳未飲嶠因僞醉以手板擊鳳幘爲之墜作色曰錢鳳何人温太真行酒而敢不飲鳳不悅敦以爲醉而釋之明日鳳曰嶠與朝廷甚密未

必可信或懷反噬宜更思之敦曰太真昨醉小加聲色豈得以此相詭貳由是鳳謀不行而得還都

御覽四百九十四

温嶠密啟肅祖陳王敦敦聞曰果爲小物所欺乃募有能生得嶠者吾當手拔其舌

御覽三百六十七

持持

温嶠代應詹爲江州刺史持節都督平南將軍鎮武昌達於治道軍人稱頌獎厲風俗

書鈔

七十二陳補

肅祖以温嶠為散騎常侍太寧初手詔曰卿
既以令望忠允之懷著於周旋且文清而旨
達宜居深密今欲以卿為中書令朝端亦咸
以為宜藝文四十八 御覽二百二十引常侍下有侍講二字
蘇峻反温嶠推陶侃為盟主侃西歸嶠說侃
曰天子幽逼社稷危殆四海臣子肝腦塗地
嶠等與公是致命之秋事若克濟則臣主同
祚如其不然身雖灰滅何以謝責於先帝今
日之事義無旋踵騎虎之勢可得下乎公若

冢

違眾獨反眾心必沮沮眾以敗事義旗將迴
指於公矣侃無以對遂留不去御覽四百六十二
初温嶠葬豫章朝議以嶠首受顧命功濟社
稷宜還陪陵官為起家太尉侃上疏停其移
葬詔從之至嶠後妻何氏卒便載嶠喪還都
詔令葬建平陵北並贈嶠二妻王氏何氏始
安夫人印綬云御覽五百五十四

郗鑒

鑒少好學博覽雖不章句而多所通綜世說箴規

篇注

中原喪亂鄉人遂共推郗鑒為主與千餘家俱避難於魯國嶧山山有重險百姓飢饉野無青草時或掘野鼠蟄燕而食之藝文九十二御覽

九百二十二說郭五十九引山字不重青草作生草無時或二字

中宗初鎮江右假郗鑒龍驤將軍兗州刺史

徐龕石勒左右交侵鑒收合荒散保固一山

隨宜抗對百姓飢饉掘野鼠蟄燕而食之御覽

三百二十又三十五引中宗上有中原亂三字刺史下有鎮鄒山三字交侵下無鑒收合

至抗對十三字掘野鼠上有野無青草時或六字書鈔一百五十六引中原亂徐龕石勒左右交侵至末

郗鑒為太尉雖在公位冲心愈約勞謙日昃

誦翫墳索自少及長身無擇行家本書生後

因喪亂解巾從戎非其本願常懷慷慨然咸康

五年秋寢疾上疏遜位優詔不許御覽二百七

郗愔

郗愔拜給事黃門侍郎愔苦求外出時吳郡

缺朝議欲用愔愔以資輕而年少不宜超登

大郡辭讓切至朝廷嘉之爲臨海太守在郡
優游養志不以事物縈心

御覽四百二十四
書鈔七十五引

郗愔爲臨海太守不以事務嬰心

郗愔咸安元年拜都督浙江東五郡諸軍事

進位鎮軍開府儀同三司辭不受

御覽二百
四十二

郗愔及弟曇奉天師道

世說簡傲篇注

郗超

超字景興高平人司空愔之子也少而卓犖
不羈有曠世之度累遷中書郎司徒左長史

世說言語篇注又假譎篇注引超少而卓犖
不羈二句

郗超字景興少而卓犖不羈有曠世之度倅
儻高雋籠蓋當時時人爲之語曰揚州獨步
王文度盛世絕倫郗景興交遊士林每在勝
拔又精於理義大司馬桓温取爲參軍温英
氣蓋世罕有所推與超相見常謂不能測也
御覽二百四十九

郗超所交皆一時秀美雖寒門後進亦拔而
友之死之日貴賤操筆爲誄者四十餘人其

為物所宗貴如此御覽四百七又五百六十九引超死之日至末宗下無貴字藝文二十一引超所交皆一時秀美雖寒門後進亦拔而友之世說傷逝篇注引超年四十一先惜卒超所交友皆一時俊父及死之日貴賤為誅者四十餘人案晉書列傳作年四十二

郗恢

郗恢字道胤高平人父曇北中郎將恢長八

尺美鬚髯風神魁梧烈宗器之以為蕃伯之

望自太子左率擢為雍州刺史世說任誕篇注書鈔六

十五引郗恢為右衛率恢風神魁梧至末無自太子左率五字御覽二百四十七引郗

恢字道胤為太子右衛率恢長八尺至烈宗異之

郗恢字道胤為給事黃門侍郎領太子右衛

率書鈔六十五

郗邁

鑒兄子邁字思遠有幹世才畧累遷少府中

護軍世說德行篇注

顧榮

顧榮字彥先時吳朝士人入洛唯陸機陸雲

及榮三人而已機雲雖有才藻清望不及榮

也選補吳王郎中令累遷太子中舍人御覽二百

四十六又引顧榮清操南土秀望遷太子中舍人又二百四十八引無首五字時吳朝士

人入洛作時在洛者無清望二字榮也下作以高士秀望補吳王郎中令無末七字書

鈔七十一引同御覽二百四十八又六十六引顧榮南土秀望為太子中舍人

顧榮字彥先入洛以南土秀望累遷廷尉正御覽二百三十一

顧榮字彥先遷廷尉平時趙王欲誅淮南王

允官屬下廷尉議罪榮具明刑理不宜廣濫

倫意解賴榮濟者甚眾御覽二百三十一無字彥

卷之二